

# LVK FINALE

Vrieëdig 15 fibberwarie 2019

CV De Gaarekiekere

Gullepe

Mestreech

CV De Rieste

Mergraote



# INHOUDSOPGAAF



<b>01.</b> 'T sjoenste wat d'r is!!!	<b>14</b>	<b>11.</b> Laot zeen datste Limburger bès !!	<b>36</b>
<b>02.</b> Maak 't Laat!	<b>16</b>	<b>12.</b> Nog Efkes	<b>38</b>
<b>03.</b> Vastelaovend Onversjaonbaar	<b>18</b>	<b>13.</b> Laot ós mer sjuve	<b>40</b>
<b>04.</b> Hutjemutje	<b>20</b>	<b>14.</b> Get sjluukskes langer	<b>42</b>
<b>05.</b> Umdet ut vastenaovend is!	<b>22</b>	<b>15.</b> Same viere!	<b>44</b>
<b>06.</b> Alles môt sjuuve	<b>24</b>	<b>16.</b> Wat kin ut sjille!?	<b>46</b>
<b>07.</b> Weer tèle aaf	<b>26</b>	<b>17.</b> Jabadabai!	<b>48</b>
<b>08.</b> Kom mèt miech mèt!	<b>28</b>	<b>18.</b> 1, 2, 3 Vastelaovend	<b>50</b>
<b>09.</b> Groete oet de fieësttent	<b>30</b>	<b>19.</b> Plek de wiezers vas	<b>52</b>
<b>10.</b> Maak de V	<b>34</b>	<b>20.</b> Zoeëmar dat moment	<b>54</b>

---

Veurwoord veurzitter LVK	<b>04</b>	Spik en Span (winnaar 2018)	<b>12</b>
Veurwoord veurzitters Stichting LVK 2019 Gullepe-Mergraote	<b>06</b>	Punteformulier Finale	<b>32-33</b>
Veurwoord Burgemaesters Gullepe en Eésjde-Mergraote	<b>08</b>	Pebliekssjtumme	<b>56-57</b>
Limburgs volksleed	<b>10</b>	Euverzich winnersj	<b>58-59</b>



 **LVK 2019**   
**GULLEPE & MERGRAOTE**  
SAME NAO MESTREECH

# 43<sup>e</sup> LVK FINALE

Vrieëdig 15 fibberwarie 2019

**MECC MESTREECH**

**Presentatie**

Henk Hover

Ruud Kleinen

Samesjtilling:

Brigitte van Eck, Stichting LVK

Opmaak:

MediaKracht.com

Foto's:

Fred Janssen

Drök:

Sync.

**Organisatie 2019:**

Gullepe-

Mergraote

---

# VEURWOORD

## VEURZITTER LVK

---

Joep Verbugt

Veurzitter Stichting LVK



Un klein dörp is veurig jaor op eine aovend inins hiël groët gewoore. Want wae hebbe in het Kesselse Keverriek in het bomvolle 'Limburg Brand Hoes' van Neptunus eine fantastische LVK-finale mooge belaeve. Niek Dirx en Jo Huijnen woeije zoe gaer 'Blieve' met-doon en wonne veurig jaor net 'Es Vastelaovend Limburg bênnen velt' as oaj 'Kampioene van de nach' veur de derde kiër dao het LVK. En daarom kump Spik en Span de Bertha Paulissen-trofee vanaovend inlevere zoedet de winnaar 2019 dae straks auch wer met nao hoes kin nimme.

Dae winnaar kump oeht de 215 leedjes die door 60 juryleden in december zien beoordeild. 15 van die vakjuryleeje hebbe in januari met gekeke nao 60 halve finaliste die in de Muziekgieterij ware overgebleve. Op basis van dees vakjurystumme en de sms'jes van het 'volk' zien der oehtheindelik 20 finaliste aan de LVK eindstreep gekome.

Dae eindstreep likt veur de iërste kier in de hoofdstad van Limburg. Het woort auch unne kiër tied nao miër dan veer decennia LVK! Nou hoof auch neemus miër te 'MECC ere' det wae nog noëts in Mestreech zien gewees! CV De Gaarekiekere oet Gullepe en CV De Rieste oeht Mergraote verdeene ein groet kompliment det ze saame

over de bruk zien getrokke um dees finale te gaon organiseren. Ut ongerstreept de verbroedering van vastelaovesvierend Limburg.

Waardering en dank geit oeht nao idderein dae dit jaor op wat veur manier auch ein beejdrage haet geleverd aan dit neet weg te dinke fantastische volksfiës. En dan dink ich aan L1, sponsors, vakjury, vreejwilligers van de plaatselikke organisatie en neteurlik neet in de letste plaats auch aan de artiëste.

Die wins ich hiël veul succes en uch allemaol eine hiële plezeerige aovend en wae houwe op de kis umdet er veur de 43e kiër ein LVK-finale is.

Joep Verbugt

**Veurzitter Stichting LVK**



**LVK**



---

# VEURWOORD

## VEURZITTERS ORGANISATIE

Frank Dumont & Harald Hamaekers

---

## Biste Carnavalisten,

4 Jaor geleie hub veer es collega sjlechters "de koo bie de heun gepak" um os kandidaat te sjtelle veur de organisatie van de finale van 't Limburgs Vastelaovesleedjes Konkoer, veer hubbe "noeëts 't mets in 't vèrreke laote sjteeke" en zunt "Same nao Mestreech" gegange.

Mit groeëte trots, haesje veer uch welkom in Mestreech, de hoofdsjtad van oos provincie, oeë veer es buurgemeinte ut grootste Leedjeskonkoer van vastelaovend veerend Limburg maoge organisere.

Veer, CV de Gaarekiekere oet Gullepe, die dit jaor 't 6x11 jaorig jubileum veere, en CV de Rieste oet Mergraote die de LVK finale in 2012 al uns moch organisere, zunt gruetsj dat os dit LVK gegund woard.

De verbrodering zeuke in het organisere van dit geweldig evenement oeë ederein "Vaan Eysde tot de Mookerhei" van kin goan geneete onder os motto "Same nao Mestreech", want samewèreking en verbrodering dat zun de toverwäörd van os es veurzitters van de stichting LVK 2019 Gullepe-Mergraote.

Same mit 200 vrijwilligers oet Gullepe en Mergraote, de luij van 't MECC, de 3 Gemeintes, os sponsore en begunstigers, LI en Stichting LVK hub veer dit fieës kinne organisere, en wil veer uch noeë al bedanke, deer zeet veur os "de sjterre" van 't LVK 2019.

Veer gaon same mit uch es gas kieke noa un sjpannende finale in un finale waardige arena, oeë 't roeëd-geel-greun, vastelaovends hart sneller van zal goan kloppe. Sjtrak zal boven op 't podium unne winner sjtaon dae de groeëte ier haet um zich winner te maoge neume van 't LVK 2019.

"Same noa Mestreech.....! Gaot deer mit feeste, zinge en sjpringe zoedat veer sjtrak kinne zinge "zoe unne gooie hubbe veer nog noeëts gehad", dat is " oeë d'r Herrgot Limburg veur hat gemaak".

Frank Dumont & Harald Hamaekers

**Veurzitters Stichting LVK 2019 Gullepe-Mergraote**



# LVK 2019





---

## VEURWOORD BURGEMAESTER

---

Gullepe-Wittem had dit joar de iejer um de 43 editie van ut Limburgs Vasteloavesleedjes Konkoer same mit os buurgemingde Eijsden-Mergroate te organiseren. Um dit fantastische evenement ee groeët podium te beeje sjlunt veer de heng inee mit de gemingde Mestreech en sjtrieke veer neer in ut MECC, oe veer same mit ug, alle sjponsurs, vriewilligurs en ut besjtuur va de sjtichting LVK ee groet en kleurrijk fees va make.

Dit joar liegk de organisatie i heng va mer leefs twieje rasechte carnevalsverenigingen namelijk de Gaarekiekere oet Gullepe en de Rieste oet Mergroate. Vol enthousiasme hubbe zie de oetdaging aa gegrepe en dur de sjouwers onder gezat. Dat belof dubbel plezeer.

Want hoewaal veer as heuvelland gemingdus unieke eigensjappe hubbe, is ee dingk ziejeker: muziek, Carnaval en ut maake va plezeer zit os in ut blood. Doa bin ig sjtols op, ut is dus hardstjikke belangriek dat veer dis sjun tradiesie noets verlore lotte goa, me jus an de jeug durg geeve. En went dur get vurbingnt dan is ut waal muziek.

De organisatie had dur hel aa gewirkt om dur inge prachtige ovend va te maake. Lot de carnavalskriebels mer goa .Lot ug verasse durrig 20 geweldige finaliste en lot de vasteloavend mer komme.

**Alaaf!** [Nicole Ramaekers](#)  
**Burgemeester Gullepe**





## VEURWOORD BURGEMAESTER

### De Limburgse vastelaovend leet eder jaar weer un prachtige bónthaed zeën.

U fieës vol traditie, wermte en same kómme.

In u verrassend dekaor rake vastelaovesveerdersj mit aen an d'r kal.

Ut veult bienao es u soort reünie. D'r winner van de alleriersjte LVK editie in 1977 mit 't leedsje "Vaan Eysde tot de Mokerhei", verwoordde 't good: hieël Limburg sjtaet te zinge en te sjpringe. Hieël Limburg is áén.

De verbinding die veer veule in dis traditie, motte veer mit zurg onderhauwe.

Es burgemaester van Eesjde-Mergraote bin ich daarom gruetsj dat veer, same mit buurgemeinte Gullepe-Wittem, 't LVK 2019 organiseren in Mestreech. Aoch dat is verbinding. CV De Rieste oeët Mergraote en CV De Gaarekiekere oeët Gullepe ondersjtrepe mit ruim 200 vreiwilligersj de verbrodering van vastelaovesverend Limburg. Daonaeve is 't zier zeker aan allebeij de vereiniginge besjtaejt um dur u spektakel van te make, net wie CV De Rieste en CV De Druugsjliepers en De Klèëflep oet Aesde dit in 2012 vaerdig kregel!

Met de 43ste editie is 't LVK u belangriek dael van de Limburgse cultuur en 'dao zit meziek in'. Jao, 't konkoer sjtaet garant veur geweldige vastelaovesleedsjes. Es rond d'r elfde van d'r elfde de wäörd 'Limburgs Vastelaovesleedjes Konkoer' valle, gun vööl antoezjas aan d'r sjaag mit meziek en alles wat d'r bie huurt. Es organiserende gemeinnte bewonder ich alle insjpanninge. Samen umerme veer dis muzikale traditie. Häör ambassadäörs sjtun onder andere vanaovend op 't podium en achter de sjerme.

Wat mich betruf sjtun d'r allein winnersj op de buun!

Ich wunsj alle finaliste vööl sjpas en plezeer bie u sjoëen LVK.

**Alaaf!** Dieudonne Akkermans  
Burgemaester Eesjde-Mergraote





---

# FRANS CROONENBERG

---

Vrung,

Ut is zoe wiet, deer had ee bukske ing heng mit eewigheidswaarde.

Alle leedjes die deer hie aa treft hubbe de finale gehaald van ut Limburgs Vasteloavesleedjes Konkoeer 2019. Ing unieke prestatie, en ing van dis leedjes is sjtraks de provinciale carnavalshymne va 2019! Welkom in ut MECC i Mestreech, dat vannovend eigelik ing enclave va Gullepe en Mergroate is. De carnavaleske heersers va dis twieje plaatsje de Gaarekiekere en de Rieste, organiseere dit joar de finale en ig bin dur va uvertuugd dat zie dit op ing LVK waardigge maneer dunt. Ut winne van ut LVK is inge mijlpaal vur de leedjessjrieviers en de oetveurende, ig kin ut weete, want op 25 januari 2002 veel mrig de iejer te beurt, en dur geet nog ummer geen week vurbie of ig wet dur aa herinnerd. Dat wunsj ig dur winnaar va dit joar og toe. Bis dur sjtols op, op ut leedje van ut joar i Limburg dat vas en ziejeker durg "d'r Herrgot" is gemak.

## LIMBURGS VOLKSLEED DOOR FRANS CROONENBERG

---

Waar in 't brongroen eikenhout  
't Nachtegaaltje zingt  
Over 't malse korenveld  
't Lied des leeuweriks klinkt  
Waar de hoorn des herders schalt  
Langs der beekjes boord

### **Refrein:**

Daar is mijn Vaderland Limburgs dierbaar oord!  
Daar is mijn Vaderland Limburgs dierbaar oord!

Waar de brede stroom der Maas  
Statig zeewaarts vloeit  
Weeldrig sappig veldgewas  
Kostelijk groeit en bloeit  
Bloemengaard en beemd en bos  
Overheerlijk gloort

Waar der vaaderen schone taal  
Klinkt met heldere kracht  
Waar men kloek en fier van aard  
Vreemde praal veracht  
Eigen zeden, eigen schoon  
't Hart des volks bekoort

Waar aan 't oud Oranjehuis  
't Volk blijft hou en trouw  
Met ons roemrijk Nederland  
Één in vreugd en rouw  
Trouw aan plicht en trouw aan God  
Heerst van Zuid tot Noord

A photograph of two men smiling broadly at a concert. The man on the left has a mustache and is wearing a white patterned shirt and a green lanyard. The man on the right is bald and also wearing a white patterned shirt and a green lanyard. They are both looking towards the camera. The background is a dark concert venue with purple and red stage lights and a crowd of people.

# SPIK EN SPAN

## WINNAARS LVK 2018

## Woorom het LVK onmisbaar is veur Limburg....

*Vanaaf dees plaats wille weer uch gaer nog es oetlegke waat weer de krach venje van het leedjeskonkoer en woorom dit evenement good is, nae onmisbaar is veur Limburg.*

1. Het is sumpelweg het grootste leedjeskonkoer van Nederlandj (en weer bewaere van Europa). Weer zoewe d'r opper-statisticus Finbar van der Veen op los motte laote mer doe kens gerös aannumme det in die 43 jaor mieë es 5000 (!) leedjes gemaak zeen. Vergelijkend mit de top 2000, zoewse dus al mit Sinterklaos motte beginne om alle LVK vastelaovesleedjes te kenne aafsjepele veur 1 januari. Euver zoa vööl meziek-riekdom besjik gein enkel provincie!
2. De populariteit greuijt nog eder jaor, de "venues" waere eder jaor groter en de tied worin ze oetverkoch rake eder jaor korter. Ongekend in eine tied wobiej het sjteeds moeilijker wurt om zake te organisere en voldoende luuj op dien evenement te kriege. Ouch dit jaor weer rieje d'r honderde bösse door de ganse provincie nao het MECC, mieë es veur eine regionale voetbalwedstrijd of anger Limburgs cultuurevenement. Het duit den ouch biezunjer good det ouch het Vastelaovedvierend Volk van Mestreech dit jaor het LVK ontdek liek te höbbe, sjiek!
3. Dit konkoer en de leedjes sjtraolt oet op de res van de vastelaovend, op de meziekjsmaak, en op de provincie. Ich denk den beveurbeeld aan os optraeje dit jaor op de Buutte Kampioensjappe, op het feit det hieël vööl hermenieje en fanfares vastelaoves concerte organisere mit LVK-artieste, en det ouch klassiek gesjoolde muzikante wie Emil Szarkowicz (Herriemenie Miserabel) of popmuzikante wie Ed Gravee (Don Kiesjot) os LVK wereldje ontdek höbbe en dao noe ein vas ongerdeel van oetmake...

Weer wouwe 11 argumente opgave waat dit evenement maakt tot het sjoanste waat Limburg te beeje haet, mer weer moochte van Brigitte mer 250 weurd gebroeke... Dus weer wunsje uch eine geweldige avend op dit onmisbaar evenement.

01

TEKSSJRIEVER(S): ERIC RECK & CHAREL JEUKEN

KOMPONIS(TE): ERIC RECK

OEËTVEURENDE: MARVIN ROSIER

**'T sjoenste  
wat d'r is!!!**

**MESTREECH**

**Intro:**

Op 'n aajt versleetè grammèfoone-pleetsjè  
Lierde Oma miech 't allèr-ierste leedsjè  
Veur miech waor toen al klip en klaor  
Dit is 't allèrsjoen'ste fees vaan gans 't jaor

**Refrein:**

Diech bis 't sjoenste wat d'r is, iech bin zoe blei ès diech d'r bis  
Diech touvèrs eeder jaor, dee lach op ûs geziech  
Daan zweef confetti door de loch, dao bin iech toch zoe aon verknoch  
Al weur iech hoonderd jaor, diech bis en bleifs è stök vaan miech

**Couplet 1:**

Steit de Zoepkoel weer in vuur en vlam, daan is 't Karneval  
Kreig de Vastelaovendvierder weer sjèvraojè euveral  
Is de Stasie in Remûn weer eine groete polonais  
Raakè veer weer in de ban vaan ûzze vastelaovèsgeis  
Daan kûmp de roed-geel-greune beer weer oet zien hol  
Èn geit hei alles oet de bol

**Couplet 2:**

Hingk 't mooswief op 't Vriethof weer veur  
drei daog in d'n top  
Jao daan wèt'ste ein deenk zeekeer, Limburg  
steit op ziene kop  
Trèk d'n optoch door de straotè in de  
dörrepè en stad  
Dink iech altied bei mien eigè, wat hób iech  
gelök gehad  
Want klinkè zaatte herremeniekes door de  
straot  
Daan lóp hei alles oet de maot

**Brök:**

Pak iech dien vlag weer in  
nao drei daog feestè aon è stök  
Daan zègk iech eeders kier  
veer zien ûs vollegènd jaor weer trök !



02

TEKSSJRIEVER(S): HEITE SOEP  
KOMPONIS(TE): STEF KUPERS  
OEËTVEURENDE: HEITE SOEP



# Maak 't Laat!

HÔRS



**Refrein:**

Maak 't laat, vurdát 't te laat is  
Maak 't laat, maak 't laat, maak 't laat!  
Proost met ôs op deze daag  
Wát vandaag is, is maerge gewes  
Maak 't laat, vurdát 't te laat is  
Maak 't laat, maak 't laat, maak 't laat!  
't Kriebelt wer in ozze maag  
Veule ôs good, zien heer op ôs bes  
En de wekkerverzetter, haet nou de juuste tied paraat  
Dus: Maak 't laat, maak 't laat, maak 't laat!

**Couplet 1:**

De vroeg nao hoes toe gangers,  
blieve nag heer  
De op de taffel hossers,  
gaon op en neer  
De joeksepelle träötters,  
zurge vur sfeer  
De aaltied álles mejmakers,  
gaon wer ás en speer!

**Couplet 2:**

De leste pletjes dreijers,  
dreije nag mier  
De polonaise bouwers,  
gaon nag en kier  
De moeiste pekskes makers,  
gröts op hun klier  
De langste blieve hangers,  
strieke met de ier!

**Brök:**

De leste seconde ván 't leste oor  
't End is in zicht, ma weej wille door  
Laot ôs ni gaon, weej blieve staon!  
Want 't is heer nag ni gedaon!



03

TEKSSJRIEVER(S): DAVID PETERS

KOMPONIS(TE): DAVID PETERS

OEËTVEURENDE: ROY SELDER

# Vastelaovend Onversjlaonbaar

REMUNJ

**Refrein:**

Vastelaovend ónversjaonbaar  
De ganse santekraom  
Trèkt hie door, toet oppe baom  
Vastelaovend ónversjaonbaar  
In sjlaope haet veurluipig nemes zin  
Det haole veer waal in!

**Couplet 1:**

D'r is mer ein belaevenis,  
die gaar gein wedsjtrijd is  
Mer wo toch 'topsjport' waerd bedreve  
Mer ein gebeurtenis, die neet te evenare is  
Omdet gans Limburg mer blief gaon  
Wo door veer baove alles sjtaon

**Couplet 2:**

D'r is mer ein gelaegeheid, die nemes euver sjleit  
Veer zeen mit vlage, losgesjlage  
Mer ein festiviteit, wo geine sjloetingstied besjteit  
Zelfs es de zon sjtraks op zal gaon  
Zeen veer nog neet nao hoes te sjlaon

**Brök:**

En es 't aeve kos, den ginge veer nog langer los  
Loog 't aan ós, waas dit Aswoonsdig weer begos!

**Slot:**

Dus gaon v'r vol d'r in  
Zo lang es 't nog kin  
En veer nog ónversjaonbaar zeen



04

TEKSSJRIEVER(S): DAVID JANSSEN

KOMPONIS(TE): STEF CLASSENS

OEËTVEURENDE: GOEDZAT



# Hutjemutje

VENROJ

**Refrein:**

Daor wor 't hutjemutje is, hutjemutje is  
waor 't hutjemutje is daor mòtte beej zien  
Hánge de bieën uut de raam en geej kunt 'r nie mér ien  
Waor 't hutjemutje is daor mòtte zien  
Jalalalalalalala, ja lalala, jalalalalalalalalala  
Is 't áfgelaaje vol en geej kunt 'r nie mér ien  
Waor 't hutjemutje is daor mòtte zien

**Couplet 1:**

Alles ònder kòntrole, vastelaovend gesjeckt  
Sjmienk òp òs snuut en 't pekske perfekt  
Ien 't vurre geslaope, drijj daag vur de deur  
En mit 'ne goejen bòjgem bliëve weej de kater veur  
Alle remme kunne los, d'r is gén hâlde án

**Couplet 2:**

De rame beslage, 't is gezellig druk  
En al zudde 't wille, geej valt nie van de kruk  
Vur 'ne pòllenaese is 't wel wat kráp  
En wilde wat bestelle, geej kunt nie beej d'n táp  
Dit is vastelaovend, niks te gek, alles kan  
Daor mòtte toch nor toe, daor wieëte weej wel alles van

**Brök:**

Ge gót ien d'n toemel, van aeges òp en nieër  
'n Vastelaoves-ritme dat smekt al gaaw nor mieër  
Pák mekaar már vâst en viër mit iederieën  
Is 't hutjemutje vol, ziede zeker nie allieën



05

TEKSSJRIEVER(S): MARTIJN DE JONG  
KOMPONIS(TE): MARTIJN DE JONG  
OEËTVEURENDE: BJÖRN VAN BERKEL

Umdet ut  
vastenaovend is!

GREVORS

**Refrein:**

Ut zit dr in, ut kump dr oét!  
De vuls de zin vâ binne oét  
Waor, wae of watse bis, ech neet belangriék is  
kriégs unne glimlach op dien snoét  
Ut zit dr in, ut kump dr oét!  
De vuls de zin vâ binne oét  
Heej bisse wae se bis  
Umdât ut vastenaovend is!

**Couplet 1:**

Wiéd in t zuúje verstop  
Ein land waor ut hertje vâ klopp  
Deep in de winter, waor kleur en de klank ôs verbindt  
De minse die zien d'r gasvreej  
En idderein huürt heej d'r beej  
De glazer die klinke, vinds euveral wal unne vrind  
Gank met mich mej, en twiéfel now neet  
Laot alles los, en geneet!

**Couplet 2:**

Meziek vult de straot en ut plein  
De kins iddere noot en refrein  
De zings alles mej, heej oét Limburg,  
dao kump de meziek  
De tekste in ôs dialek,  
al klinke de klanke mej gek  
Wie weej ôs verstaon  
Noord wies Zuid same gaon is uniek  
Zing met mich mej, en twiéfel now neet  
Laot alles los, en geneet!

**Brök:**

En âs ut dân gedaon is  
En dât gevoel wuurt ein gemis  
Dân vulse ech wat vastenaovend is!



06

TEKSSJRIEVER(S): BRAM VOLDERS, ARNO CLAESSENS & LUC VOLDERS  
KOMPONIS(TE): LUC VOLDERS  
OEËTVEURENDE: DE KLOOMP

# Alles môt sjuuve

MEERSJE



**Refrein:**

Alles môt sjuuve veur de vastelaovend, alles mot sjuuve veur die daag  
Alles verzette nao 'ne and're aovend, alles is beter es vandaag  
Sjtèl dich veur dich mos goon wèrke, zègkste tege diene baas  
dich höbs de kop aan t zjwere, dit geit mich ech neet langs mien naas  
Alles môt sjuuve veur de vastelaovend, alles mot sjuuve veur die daag  
Alles verzette nao 'ne and're aovend, en de vastelaovend is gesjlaag

**Couplet 1:**

Nao de dokter veur de lever, doon ich lever nao die daag  
Alles môt sjuuve veur die daag  
Krieg mien dochter heur diploma, op die daag da's neet gesjlaag  
Alles môt sjuuve veur die daag  
Want ich wil d'r niks van misse, nei dat geit mich ech te wiedz  
En doon ich mich vergisse, dan mis ich de sjwanste tied

**Couplet 2:**

Es Verstapppe veur dich ried en de hauws al geine tied  
Alles môt sjuuve veur die daag  
Al dat lijne maak mich gek, dinkste dat t mèr verrèk  
Alles môt sjuuve veur die daag  
Want ich wil d'r niks van misse, nei dat geit mich ech te wiedz  
En doon ich mich vergisse, dan mis ich de sjwanste tied



07

TEKSSJRIEVER(S): NIEK DIRKX & JOS WACKERS

KOMPONIS(TE): JO HUIJNEN & NIEK DIRKX

OEËTVEURENDE: SPIK EN SPAN



# Weer tèle aaf

**Refrein:**

Weer tèle aaf

Weer tèle aaf

**Couplet 1:**

Ich höb e sjtömke inne kop det maak  
mich gek van vastelaovend

Det zèt de maonje, zèt de waeke,  
zèt de daag op ein riej

Tis noe nog 180 daag, mer door d'n daag  
dènk ich allein aan d'n aovend,

want venaovend

moog ich gaon sjlaope en es ich wakker  
waer.... weer einen daag korterbiej

En mer wachte en mer sjmachte,  
vastelaovend in gedachte

want den zeen w'r weer biejein  
(weer zeen biejein)

Dus w'r tèle same aaf in 5,4,3,2,1

(weer zeen biejein)

**Couplet 2:**

Nog 64 daag, de Singer dreijt op volle toere  
nog 50 daag, Last Christmas droet, Beppie drin  
nog 22,21,20 het blif mer doere,

tel de oere

totdet het drie daag vastelaovend is, en ich hieëlemaol  
heppie bin

En nog mer wachte en mer sjmachte vastelaovend in  
gedachte

want den zeen w'r weer biejein (weer zeen biejein)

Dus w'r tèle same aaf in 5,4,3,2,1 (weer zeen biejein)

Nog 80 daag het thema van de wage bedach

Nog 70 daag alvas mer eine baom gelag

Nog 60 daag ich roop de gansen daag alaaf  
weer tèle aaf

Nog 50 daag de kersboum mit confetti verseerd

Nog 40 daag alvas mer 's de kael gesjmeerd

Nog 30 ging dae wèkker maar get dèkker aaf

Weer tèle.....

15 de paracetamol besjtèd,

14 ich bin al bienao oetgetèd

13 ich roop de gansen daag alaaf,

weer tèle aaf weer tèle aaf weer tèle aaf in

11, 10, 9, 8, 7, 6, 5 4 3 2 1

weer tèle aaf



**LVK 2019**  
GULLEPE & MERGRAOTE  
SAME NAO MESTRECH

08

TEKSSJRIEVER(S): PATRICK JASPERS & BART STORCKEN

KOMPONIS(TE): BART STORCKEN & PATRICK JASPERS

OEËTVEURENDE: KATJA HENZ

**Kom mèt  
miech mèt!**

**MESTREECH**

**Refrein:**

Kom mèt miech mèt 2x  
En ligk toch neet te stinke in eur bed  
Dui get duite in eur tes  
Get te nippe oet 'n fles  
Goeit uuch vol mèt gooje mood  
Deit 'n eederein toch good  
Kom mèt miech mèt 2x  
Dans op de dikke zjiem of speul op dien trompöt  
Kom mèt miech mèt 2x  
Pas es de veugel fluite goon veer 'ns nao bèd

**Couplet 1:**

Iech stoont weer ins te proonke veur de spiegel  
Gaon iech mèt e pruukske of 'nen hoed  
Al plak mien haor aonein wie 'ne piezel  
Meziek dee klink dus moot iech d'rop oet  
Haol mie pekske oet de kas  
Gekleurde schmink wat dao bei pas

**Couplet 2:**

Eed'ren aovend weurt 't weer get later  
De veuls de stumming zit ouch good dr'in  
Veer bakke spek mèt ei tege de kater  
Wat d'r ouch gebäörd veer hawwe pin  
En veer zinge hand in hand  
Dit is us fees mèt de gouwe rand

**Brök:**

Noe goeit uuch drei daog door de boch  
Want us bèd zien veer nog dèks genóg (3x)

09

TEKSSJRIEVER(S): BAS KELTJENS  
KOMPONIS(TE): BART STORCKEN  
OEËTVEURENDE: HOONDERVEL

# Groete oet de fieësttent

HAELE

**Refrein:**

Groete oet de fieësttent  
Oet de volgaasallesgaeve-tent  
De vrundjsjapväärutlaeve-tent  
Väärluipig steit mien bed  
Vief daag lang aan ut buffet  
Groete oet de fieësttent  
Oet de edereindaekinse-tent  
De gaarniksmiertewinse-tent  
De groete,väöl plezeer  
We zien os woonsdig weer

**Slot:**

Mit de groete oet de fieësttent  
Oet de volgaasallesgaevetent  
Waer neet giftig op mich  
Ut liktj echt neet aan dich  
Ich wil altied plezeer  
We zien os woonsdig weer

**Couplet 1:**

Esse in de zoepkoel zits, en verrektes good auch wits  
Desse sjoeanmam zien verjaordaagsfiës “perongeluk” vergits  
Es de diëtiste beltj en dich in de kroeg verteldj  
Det dien aafslanksjema mit de vastelaovesdaag auch geldtj  
Den lueëtse get weite uiteraard  
Stuurs ein vastelaoves-ansichtkaart, mit de...

**Couplet 2:**

Es de babysit gestresst, dich op dinsdig smst  
Of de dorst van vriedigaovendj noe nog steeds neet is gelest  
Es de buurman ut dich fliktj, as d’n optocht net verriktj  
Diene voicemail in te spraeke det dien hoes is aafgefiktj  
Den lueëtse get weite uiteraard  
Stuurs ein vastelaoves-ansichtkaart, mit de...



# SCORETABEL

## 43<sup>e</sup> FINALE LVK 2019



LVK 2019  
GULLEPE & MERGRAOTE  
SAME NAO MESTREECH

		VAKZJURIE LVK	ZJURIE LVK OUD FINALISTE	ZJURIE KASTELEINS	ZJURIE VASTELAOVENDWAEREELD	PEBLIEKSZJURIE VIA SMS	TOTAAL	PLAATSJ
IN VOLGORDE VAN OPTRAEJE:	PLAATSJ:	1	2	3	4	5	PNT	
01. 'T sjoenste wat d'r is!!!	Mestreech							
02. Maak 't Laat!	Hôrs							
03. Vastelaovend Onversjlaonbaar	Remunj							
04. Hutjemutje	Venroj							
05. Umdet ut vastenaovend is!	Grevors							
06. Alles môt sjuuve	Meersje							
07. Weer tèle aaf	Zöstere							
08. Kom mèt miech mèt!	Mestreech							
09. Groete oet de fieësttent	Haele							
10. Maak de V	Mestreech							

MAXIMAAL AANTAL PUNTE PER ZJURIE: 16



# SCORETABEL

## 43<sup>e</sup> FINALE LVK 2019



LVK 2019  
GULLEPE & MERGRAOTE  
SAME NAO MESTREECH

		VAKZJURIE LVK	ZJURIE LVK OUD FINALISTE	ZJURIE KASTELEINS	ZJURIE VASTELOAVENDWAERELED	PEBLIEKSZJURIE VIA SMS	TOTAAL	PLAATSJ
IN VOLGORDE VAN OPTRAEJE:	PLAATSJ:	1	2	3	4	5	PNT	
11. Laot zien datste Limburger bès !!	Göttekaove							
12. Nog Efkes	Venroj							
13. Laot ós mer sjuve	Zitterd							
14. Get sjluukskes langer	Naer							
15. Same viere!	Hölsberg							
16. Wat kin ut sjille!?	Kepel							
17. Jabadabai!	Heële							
18. 1, 2, 3 Vastelaovend	Zitterd							
19. Plek de wiezers vas	Valkeberg							
20. Zoeëmar dat moment	Venroj							

BIJ GELIEKE SJTAND WURT GEKEKE NAO DE PUNTE VAN DE LVK-VAKZJURIE

10

TEKSSJRIEVER(S): PATRICK VAN DE WEIJER

KOMPONIS(TE): PATRICK VAN DE WEIJER

OEËTVEURENDE: NICK EN PATRICK



MESTREECH

Maak de V

**Refrein:**

Maak de 'V', maak de 'V'!  
Maak de 'V' vaan vastelaovend, es veer zinge  
hey DJ, hey DJ!  
Zèt 't Zuide noe mer gans op ziene kop!  
En maak de 'V', maak de 'V'!  
Dans en spring egaal mèt wee  
Maak de 'V' kom lach 't leve aon  
En veul diech drei daog laank ok

**Couplet 1:**

Cent en sleutels in de tes, gaw 'n appke nao de res  
Veer zien veerdeg um veur drei daog onderweeg te goon  
Ierste lach, ierste zaank, zoe koume veer op gaank  
Dit feeske kin, noe geine mie oontgoon  
Want de veuls aon alles,  
dat 't weer carnaval is  
Dus goej die han mer in de loch vendaog  
Kom op veer goon de tegenaon!

**Couplet 2:**

Veer zien binne veer zien hei, ein familie zij aon zij  
Hiel de wereld dreijt allein nog mer um us vendaog  
Dít is Limburg, dít zien veer, supporters vaan plezeer  
Altied gewete dat feeste us wel laog  
Want de veuls aon alles,  
dat 't weer carnaval is  
Dus goej die han mer in de loch vendaog  
Kom op veer goon de tegenaon!



11

TEKSSJRIEVER(S): GUUS STEINEN  
KOMPONIS(TE): GUUS STEINEN  
OEËTVEURENDE: DON KIESJOT

GÖTTEKAOVE

Laot zeen datste  
Limburger bès !!

**Refrein:**

Veer gaon es 't kènt, zo gaw 't begint

D'raan d'rop en d'reuver!!

'Ne Limburger sjiteit, met passie gereit

Dat geit noats miè euver!!

Veur d'n eine maog dao bès nog 'n paar daag bie

Veur d'n angere is 3 al ke-pot-ma-ker-ie

Mer wie 't auch is,... doe kèns hie van op aan

Veer gaon richtig "d'raan"!!

**Couplet 1:**

Ooohoo...aan 'm!!...

Ooohoo... d'raan!!... oohoo... allae!!

Aaahoem... hallef werk nae dao hawt' ver neet van

Aaahoem... veer doon alles hie zo good es mer kan

Aaahoem... wetste wie eine van os dat hie deit

Aaahoem... sjouwers d'r onger, egaal wie 't geit

Aaahoem... es bie os hie eine veurnummes haet

Aaahoem... gluif mer dat 'r dan auch deit wat 'r zaet

Aaahoem... veer zin doorzetters en dat kump van pas

Aaahoem... wat auch is, jao ver biete os vas...

**Couplet 2:**

Aaahoem... vastelaovend dae kump sjteeds korterbie

Aaahoem... maete, knippe, passe, sjpeegel d'rbie

Aaahoem... auch d'n optoch sjiteit vas op 't program

Aaahoem... d'r is niks wat os aafsjetoppe kan

**Brök:**

En wat dachste van Max, van Mark en Tom??

En van ooze "Iron Manne": Glenn en Mathon!!

Die gaon allemaol draan drop en dreuver!!

En dat numme veer gaer van hun euver!!

**Outro:**

Sjpiej in de henj... egaal wat auch is...

Laot zeen datste Limburger bès!!... d'raan!!



12

TEKSSJRIEVER(S): BAS KELTJENS, ROEL COMMANS & JULES REIVERS  
KOMPONIS(TE): ROEL COMMANS & JULES REIVERS  
OEËTVEURENDE: BJORN & MIEKE



# Nog Efkes

VENROJ

**Refrein:**

Weej gón nog efkes... tot weej gâns allieën hiêr staon  
Nog efkes.. tot de zòn wint van de maon  
Went vastelaovesnienorhuustoewillers bliêve gaon  
Tot nog efkes... is gedaon

**Couplet 1:**

De stem kepot, de vuut gâns muuj-gestaon  
Mien verstând zet stop, mien gevuul wil bliêve gaon  
Went d'n durzákdráng is staerker dan de pien  
Vastelaovend, ik wil nörges ânders zien  
Vastelaovend, ik wil nörges ânders zien

**Couplet 2:**

Mien blik verraajt ik vecht mien traone weg  
D'n òpgespaarde slaop den het nog pech  
Nog ieêne zucht, nog ieën kieër vòl d'r ien  
Vastelaovend, ik wil nörges ânders zien  
Vastelaovend, ik wil nörges ânders zien

**Brök:**

't Letste stukske van de nacht  
De letste vastelaoveskrácht  
't Letste alles dat ik gaef  
't Letste vule dat ik laef



13

TEKSSJRIEVER(S): THEI WESSELS  
KOMPONIS(TE): QUINN WARMERDAM  
OEËTVEURENDE: JESSE & JESSE

# Laot ós mer sjuve

ZITTERD



**Refrein:**

Noe laot ós hie nao bènne gaon  
Noe laot ós hie nao bènne sjtuve  
De ganse kraom geit oppe tuppe sjtaon  
Waat ouch gebeurd: Laot ós mer sjuve  
‘t Knäörend iezet löp veurop  
Ein hermenie mit bóntje kuve  
De ganse kraom zingk alles oet de kop  
Waat ouch gebeurd: Laot ós mer sjuve

**Couplet 1:**

Nog effekes wachte dan kómme ze aan:  
De zate hermenie van weit-ich-wie  
Zo valsje es de nachte en vaal is de vaan  
Hun laeve kump al langzaam korterbie  
En dalik sjtaon ze urges veur ein deur  
Dan ruip dao eine: “Kael, die gaon derveur”...

**Couplet 2:**

Ventiele en pómppe die waere al heit  
En jederein wurd sjor van zien geblaer  
Me blees óm ‘t lómpe zo hel es mer geit  
Wae zingk dao in die bende euver haer?  
En dalik blaoze veer zónger bezej  
Nog èns “Van Eijsde tot de Mokerheij”...

**Brök:**

En höbs doe toevallig ouch zo’n nummerkes-pertie  
Dan maagste noe veur effekes bie ós derbie...



14

TEKSSJRIEVER(S): BAS KELTJENS  
KOMPONIS(TE): DWAYNE HORBAG  
OEËTVEURENDE: T GRAOTEKOEËR

# Get sjluukskes langer

NAER

**Refrein:**

Wae blieve nog get sjluukskes langer  
Toet det gister goojemörge is  
Wae blieve nog get sjluukskes langer  
Waem hie nog steit haet zien ontbijt geheid gemisj  
Wae blieve sjluukske vöör sjluukske  
Van de sjoeën-momente-vanger  
Toet de mörgevreug-wcbril-hanger  
Wae blieve nog get sjluukskes langer

**Couplet 1:**

Es alle vöörtelangneetmieërgezeeners  
Op vastelaoveskroegenoptocht gaon  
Den kriege oze beertapkraanbedeeners  
Gein tied óm ouch mer efkes stil te staon  
Den kènse ós nog hueëre bie de buure  
Den sjödj de ganse grondj  
Nemes steit nog stil  
Vastelaovendj is gezondj

**Couplet 2:**

Es alle door'tjaorhaerneetzondrinkers  
Zich minge mèt hun nuujgemaakte vrunj  
En mèt de vastelaovesbeerglaasklinkers  
Beginne aan de tieën-nao-lètste runj  
Den zuusse 't gebäöre van te vööre  
Nao hoes gaon haet gein zin  
Den zingtj de ganse zaal  
Zoeë knoeërhel es 't mer kèn

**Brök:**

Geise laat genóg te laat nao hoes  
Kumse vanzelf weer vreug zat thoes



15

TEKSSJRIEVER(S): MAURICE PLUIJMAKERS

KOMPONIS(TE): JOS GIJZEN

OEËTVEURENDE: DE GELIËNDE

Same viere!

HÖLSBERG

**Refrein:**

Hie kump 't fièske van 't jaor,  
veer gaon 't same viere!

Ederein is d'r veur klaor,  
veer gaon 't same viere!

Geine eine maak bezjwaor,  
veer gaon 't same viere!

Vier de leefde, vier 't laeve,  
vier de lach en vier de traon

Vier 't door dich gans te gaeve,  
vier 't same en laot dich gaon!

**Couplet 1:**

Dae'n eine vastelaovesgek dae sjpiet zich in de heng,  
en geit nao zien ontbijt mèt sjpek en ei weer aan de geng  
Hae wèt dat d'r gein fiès óntsjeit es eine neet begint,  
en zaet "mien plan dat sjlaag geheid, d'n aanhouwer wint"

Hae haet aan ederein en alles sjiet

En sjrièf 't oet: "noe kump de sjoanste tied!"

**Couplet 2:**

'Dat wat begint mèt eine gek, dat weurt al ummer miè,  
en kriet al rollend vööl effek, wie 'n belke in de sjniè  
Dae bal dae 'n lawine weurt, dae dendert op ós neer,  
tot ederein weurt mètgesjleurd in dae sjlinger van plezeer  
En geine is de houte in de boet  
Meh honderddoezend kaele brölle oet:

**Brök:**

Dao sjteit nog eine aan de kant, dae lièt 't köpke hange.  
Dem sjnap v'r effe bie de hand, dae mó't v'r effe vange.  
Wae nieks van vastelaovend sjnap, noe bès toch neet zoa sjoe.  
Kom op en zèt dae'n ièsjte sjtap, dan kump 't vanzelf nao dich toe.



16

TEKSSJRIEVER(S): ROBERT JANSSEN & MARK VAN MULLEKOM

KOMPONIS(TE): MARK VAN MULLEKOM

OEËTVEURENDE: DE BREURKES

# Wat kin ut sjille!?

KEPEL

**Refrein:**

Wat kin ut sjille!? 't Is vastelaovend hej!

Sjeet mich mer lek, hej zuusse drek: niks is te dol

Wat kin ut sjille!? 't Is vastelaovend hej!

Hej geit non-stop ut gaas d'r op: wae haoje vol

Ai-ai-ai-ai...niks krieg ós klein

Ai-ai-ai-ai... bliéf oppe bein

Ai-ai-ai-ai-ai-ai... bikkele mèt ein

Wat kin ut sjille!? 't Is vastelaovend hej!

Gin centje pien wae hebbe joeks as medicien

Slot: Dit is wie ózze vastelaovend huurt te zien!

**Couplet 1:**

Aafgebete nagels van ut wachte um te gaon

Hoeëgtevrees gekrege van ut oppe taofels staon

Walle van ech alle nachte fieës en slaopgebrek

Spit van hoeëgtepunte mèt de prins op miene nek

Ach ich weit wie det hej geit, dit is de vraog waar ut um dreijt:

**Couplet 2:**

Sjoorpepere kael want keihèl galdere is sjiek

Oere soeze van de sjaele wazel en meziek

Krompgetrokke vingers van de kaoje glaeskes beer

Dizzy van ut sjoenkele, zoë lekker op en neer

Ach ich weit wie det hej geit, dit is de vraog waar

ut um dreijt:

**Brök:**

Dit is waar ich mich vanaaf aswoensdig al op spits

Dus bin ich kampioen in bliéve hange wies ut lits

's Mèrges waer ich wakker mèt de lach nog op

mien snoét

Ouch al zeet mien speegel dan: wat zuusse toch

d'r oét...



17

TEKSSJRIEVER(S): BART STORCKEN & EMIL SZARKOWICZ  
KOMPONIS(TE): BART STORCKEN & EMIL SZARKOWICZ  
OEËTVEURENDE: HERRIEMENIE MISERABEL MIT BART & EMIL



Jabadabai!

HEËLE



### Refrein:

Jabadabai Bai Bai Jabadabai Bai Bai  
Jabadabai Bai Bai Zjwaai Zjwaai  
Jabadabai Bai Bai Jabadabai Bai Bai  
Jabadabai Bai Bai Zjwaai Zjwaai

### Couplet 1:

Ventiele in de olie, doa sjtoan ze weer paraat  
Alles heerlijk boete kort bie ein  
De troäte sjtoan te blinke in de vasteloaveszon  
De eesjte klanke oet de bombardon  
De dikke sjiem huit op de kis  
De Sjuuve sjuuve aug neet mis  
De Troäte troäte noe de melodie  
Doa kump 't refrein, doa kump 't refrein,  
doa kump 't refrein, wat is dat toch fijn.

### Couplet 2:

Sjtoan ze doa te troäte, sjepele keihel in mien oor  
Ze houte noeëts meer op, 't geit mer door  
Mer dat is Vasteloavend, deë klank dat heurt d'r bie  
Dus doog mer mit en zing, doe bis noe hie  
De dikke sjiem huit op de kis  
De Sjuuve sjuuve aug neet mis  
de Troäte troäte noe de melodie  
Doa kump 't refrein, doa kump 't refrein,  
kom korter bie ein, wat is dat toch fijn

### Brök:

Vasteloavend zonger hermenie is wie d'r prins  
mit zonger vaere nondeju dat is neet aaf  
Een melodie, een symphonie of lekker troäte wie nog nie,  
same sjepele, dat is pas Alaaf! Alaaf! Alaaf!  
Doa kump 't refrein, doa kump 't refrein,  
wat is dit toch fijn, kom sjoenkel mit ein



18

TEKSSJRIEVER(S): THEI WESSELS

KOMPONIS(TE): THEI WESSELS

OEËTVEURENDE: SJTÓM TOEVAL

# 1, 2, 3 Vastelaovend

ZITTERD

**Refrein :**

Dan is 't 1, 2, 3...Vastelaovend  
En veer zeen wie gekke zo blie  
Allein mer 1, 2, 3...Vastelaovend  
En veer kómme ech neit meer bie  
Es hie mit sjmaak wurd laam gemaak  
En de richtige sjaor wurd geraak  
Dan is 't 1, 2,3...Vastelaovend  
En veer gaon kómpleet oet ós daak

**Couplet 1 :**

Veer tèle hie van '1, 2, 3'  
En dan is 't laeve al dao  
Ein dansmarie, ein hermenie  
Die danse veer noe achternao  
'Kènt-ummer-nog' hingk in de lóch  
De zin in ein feeske óntloek  
Drie tèle mer dat is genóg  
Dan vuilste 't in diene boek:  
Dae kriebel-iebel-iebel-iebel hie ) 2x

**Couplet 2 :**

De tróm geplek, de träöt gezóch  
Dan waere die nog èns gebroek  
Drie tèle mer dat is genóg  
Dan vuilste 't in diene boek:  
Dae kriebel-iebel-iebel-iebel hie ) 2x

**Couplet 3 :**

Sjus waar hie nog niks te belaeve  
Vervaeling dae loug oppe loer  
Mer ein moment en de ganse tent  
Sjteit te danse op de vloer...



19

TEKSSJRIEVER(S): FRANS HERMANS

KOMPONIS(TE): FRANS HERMANS

OEËTVEURENDE: ANDY & ROY



# Plek de wiezers vas



VALKEBERG

**Refrein:**

Mèt vastelaovend löp de tied te sjnel  
Dus plek ver alle wiezers vas  
Veer jatte auch de lèste-ronde bel,  
en haole alles oet de kas  
Ver motte hiej en aug nog doa noa toe  
Want neet gewaes, dan kriegs te sjpiet  
Dus hang mer truuk dea jas, en plek de wiezers vas  
Dan höb ver noe weer alle tied  
Dus hang mer truuk dea jas, en plek de wiezers vas  
Dan höb ver noe weer alle tied

**Couplet 1:**

Sjeet ins op, want de sjmink dae mot nog op  
Trèk un pruuk euver diene houte kop  
Pekske aan en dan hauwe veer weer aaf  
Ver motte gaon, want doa klink alweer alaaf  
Het pas neet in drie daag wat jeder wil  
Zit gewoon dae klok gans effkes sjtil

**Couplet 2:**

De zon en moan trèkke sjnel aan os veurbie  
Ver blieve gaon auch al kinne ver neet mie  
Gelukkig höbbe veer een rulke tape gekoch  
Dus loester good, want dan höb ver tied genoch  
Het past neet in drie daag wat jeder wil  
Zit gewoon dae klok gans effkes sjtil

**Brök:**

Zolang der geine wiezer wiejer geit...  
weurd t de langste vastelaovend dae besjiteit



20

TEKSSJRIEVER(S): TAMARA KOONINGS  
KOMPONIS(TE): STEF KOONINGS  
OEËTVEURENDE: PRUUF MAR

# Zoeëmar dat moment

VENROJ

**Refrein:**

Zoeëmar dat moment  
Tussen net & nòw  
Tussen oeëts & gauw  
Zoeëmar dat moment  
As weej alles gaeve  
Same laeve  
Is ut um ut aeve  
Mit wie weej dit belaeve  
Zoeëmar òs moment

**Couplet 1:**

Loeëpend dur 3 daag  
Kiek ik rustig um meej hin  
Al trommelt ut en blaost ut  
Ik vuul meej kalm waor ik bin  
Zie dat megje straole  
Beej de prins baove òp de nek  
Låtter wil zeej groeët zien  
Mar zoeë zittend is klender toch nie zó gek  
Pruuf, mak mit  
Zing, laot zien  
Wat vastelaovend is

**Couplet 2:**

Struin ik langzaam verder  
Dur de vastelaovend die raast  
Zie ik zoveel mieër  
Mien roeëd gael gruune hart wèr steeds verbaast  
Daor stöt ie án de bar  
Mit elf kleure op zien snuut  
Lacht stiekem naor dat megje  
En zoeë stippelt heej zien pad van liefde uut  
Pruuf, mak mit  
Zing, laot zien  
Wat vastelaovend is

**Brök:**

Al die momente, al wat gebeurt  
Iederieën ânders  
Is wat vastelaovend kleurt



# PEBLIEKSSJTUMME PER SMS

Aoch deer kint mitbepale wae 't LVK 2019 gaet winne. De Pebliekssjtumme tille veur 1/5 dael mit in d'r eindoeëtsjlaag. Deer kint mitdoan deur unne sms te stjure en op één leedsje te sjtumme.

**SMS** € 0,90 per sms

**SMS** NAO 4422

<b>01.</b> 'T sjoenste wat d'r is!!!	Mestreech	<b>01</b>
<b>02.</b> Maak 't Laat!	Hôrs	<b>02</b>
<b>03.</b> Vastelaovend Onversjlaonbaar	Remunj	<b>03</b>
<b>04.</b> Hutjemutje	Venroj	<b>04</b>
<b>05.</b> Umdet ut vastenaovend is!	Grevors	<b>05</b>
<b>06.</b> Alles môt sjuuve	Meersje	<b>06</b>
<b>07.</b> Weer tèle aaf	Zöstere	<b>07</b>
<b>08.</b> Kom mèt miech mèt!	Mestreech	<b>08</b>
<b>09.</b> Groete oet de fieësttent	Haele	<b>09</b>
<b>10.</b> Maak de V	Mestreech	<b>10</b>



# VEURBEELD SMS:

Per mobiele telefoon kin deer mer áéne kier ein sjtum oetbringe via sms

# LVK spatie 01



**SMS** € 0,90 per sms

**SMS** NAO 4422

<b>11.</b> Laot zeen datste Limburger bès !!	Göttekaove	<b>11</b>
<b>12.</b> Nog Efkes	Venroj	<b>12</b>
<b>13.</b> Laot ós mer sjuve	Zitterd	<b>13</b>
<b>14.</b> Get sjluukskes langer	Naer	<b>14</b>
<b>15.</b> Same viere!	Hölsberg	<b>15</b>
<b>16.</b> Wat kin ut sjille!?	Kepel	<b>16</b>
<b>17.</b> Jabadabai!	Heële	<b>17</b>
<b>18.</b> 1, 2, 3 Vastelaovend	Zitterd	<b>18</b>
<b>19.</b> Plek de wiezers vas	Valkeberg	<b>19</b>
<b>20.</b> Zoeëmar dat moment	Venroj	<b>20</b>



# EUVERZICH WINNERSJ LIMBURGS VASTELAOVESLEEDJES KONKOER

JAOR	AAFKOMS	TITEL	KOMPONIS(TE):
1977	Mestreech	Vaan Eysde tot de Mookerhei	Jean Innemee
1978	De Ruiver	De zaagte 'Geej'	Jan Theelen
1979	Gelaen	Dan kal ich plat	Ben Erkens en The Country Singers
1980	Zitterd	De beierheering	Hans Wijnands
1981	Remunj	De vastelaovend heurt bie Limburg	Naud Reijners
1982	Göttekaove	Zoa moosj 't kènne blieve	Guus Steinen en John Wauben
1983	Gelaen	Mie Limburgs blood	Ben Erkens
1984	Meersje	Doa moste mèt ljàrre léve	Leon Volders
1985	Gelaen	Hawt 'm vas de vastelaovend	Bert Dijcks
1986	Mestreech	Jao heij in Limburg	Sjef Duchateau
1987	Lin	Wieböle	John Evers
1988	Venlo	Minse wie weej	Giel Aerts
1989	Venlo	De knappe(rikke)	Giel Aerts
1990	Gelaen	Ich tik neet richtig	Ben Erkens
1991	Venlo	Det is ein joekskèpel op joets	Jan Jacobs
1992	Venlo	Waat hebbe we 't toch good	Giel Aerts
1993	Tegele	'nne Late	Peter van den Akker
1994	Venlo	Heej of dao	Giel Aerts
1995	Hòrs	De ganse santekraom	Thijs Kleeven
1996	Mestreech	Drejje!!	Ursula en Bert Garnier
1997	Venlo	Had ik maar	Sef Gubbels

**TEKSSJRIEVER(S)****OETVEURENDE****FINALEPLAATSJ**

Bert Salden	The Walkers	Gelaen
Arnold Wassen	Lei Driessen	Gelaen
Thijs Arts	Ben Erkens en The Country Singers	Gelaen
Hans Wijnands	Peter Eijkenboom en The Ragtime Band	Gelaen
Naud Reijners	Naud Reijners en Dominique Reijners	Gelaen
Guus Steinen	De Zjweitvuit	Gelaen
Miets Zijlstra-de Loo	Ben Erkens en Kapel 'Roed is Droof'	Gelaen
Leon Volders	Leon Volders	Remunj
Jan Ridderbeekx	Jan Ridderbeekx en The Fratellies	Heëlehei
Sjef Duchateau	Beppie Kraft	Gelaen
Piet Evers	Duo Twee Plus en De Kuulköpkes	Gelaen
Frans Boermans	De Kammeräodjes	Gelaen
Frans Boermans	Wiel Vestjens en Hary Cromptvoets	Gelaen
Miets Zijlstra-de Loo	Ben Erkens	Gelaen
Sef Maaskant	Hay en Paul Peeters	Gullepe
Frans Boermans	Wiel Vestjens en Hary Cromptvoets	Lin
Peter van den Akker	Thei en Marij	Tegele
Giel Aerts	Wiel Vestjens en Hary Cromptvoets	Baek
Cor Kuipers	De Wazelvotte	Roggel
Ursula en Bert Garnier	Duo Ammezasië	Hôrs aan de Maas
Frans Boermans	Wiel Vestjens en Hary Cromptvoets	Gelaen

# **EUVERZICH WINNERSJ** LIMBURGS VASTELAOVESLEEDJES KONKOER

<b>JAOR</b>	<b>AAFKOMS</b>	<b>TITEL</b>	<b>KOMPONIS(TE)</b>
1998	Ulesjtraote	Opzie, Opzie, Opzie	Gaston Jacobs
1999	Mestreech	Iech h�b diech weer gevonde	Ursula en Bert Garnier
2000	Venlo	Josefien	Wim Roeffen
2001	De Ruiver	Good geammezeerd	Arnold Wassen
2002	Gullepe	Wie d'r Herrgot Limburg had gemaak	Ben Erkens
2003	Venlo	D�h dan, dao isse	Wim Janssen
2004	He�le	Tweemaol aafgeze�g(en nog te k�t)	Paul M�nstermann
2005	Bor	Wat zaeter?!	Ben Erkens
2006	L�mmerig	Dat zit bie os in de familie	Guus Stienen
2007	Grevors	Heej bli�f ik plekke	Rene Verschueren
2008	Venlo	De kriebels	Frans Pollux
2009	Grevors	Ni mi�r en ni minder	Rene Verschueren
2010	Venlo	Vandaag!	Quinn Warmerdam
2011	Venlo	K�m 's ki�ke beej �s	Quinn Warmerdam
2012	Venlo	Doot 's gek	Quinn Warmerdam
2013	Mofert	Laef, Limburg laef!	Ron Roemen
2014	Grevors	Onhendig leedje	Rene Verschueren
2015	Z�stere	Es vastelaovend Limburg b�nne v�lt	Mark van Mullekom
2016	Z�stere	Kampioene van de Nach	Mark van Mullekom
2017	H�lsberg	Code 'road-gael-greun'	Jos Gijzen
2018	Z�stere	Blieve	Jo Huijnen en Niek Dirx

**TEKSSJRIEVER(S)****OETVEURENDE****FINALEPLAATSJ**

Gaston Jacobs	Gaston Jacobs en zien vrunj	Wieërt
Ursula en Bert Garnier	't Merretkoer	Belvend
Wim Roeffen en Frans Boermans	Wiel Vestjens en Gé Deenen	Kirchrao
Arnold Wassen	Dét mô't kènne	Neel
Ben Erkens	Frans Croonenberg	Belvend
Peter Jansen	Peter Jansen & Wim Janssen	Zitterd
Paul Münstermann en Leo Keularts	Paul en Leo	Berg
Paul Heffels - Frank Dullens - Ben Erkens	Böshuske Ontsjpannings Vereniging	Venroj
Guus Stienen	Kartoeshj	Stein
Rene Verschueren	De Toddezèk	Neel
Frans Pollux	Bram Holla & Ruud Stikkelbroeck	Zaerum
Rene Verschueren	De Toddezèk	Gelaen
Quinn Warmerdam	W-Dreej	Toear
Hannelore Winter	W-Dreej	Kepel
Quinn Warmerdam	W-Dreej	Mergraote
Ron Roemen	La Bamba	Neel
Rene Verschueren	De Toddezèk	Grevors
Bas Keltjens	Spik en Span	Kirchrao
Bas Keltjens	Spik en Span	Venroj
Maurice Pluijmakers	De Geliënde	Heële
Niek Dirx en Jos Wackers	Spik en Span	Kessel

# Sjponsors van Stichting LVK-2019 Gullepe-Mergraote



**Timing**

  
**PEINEMANN**  
RENTAL - SALES - SERVICES

bouten  groep

**EUREGIO  
HABETSROYEN**

accountants & belastingadviseurs

  
**HOEDEMAKERS, PRO**  
Licht | Geluid | Beeld

  
**HOEDEMAKERS**  
ULESTRATEN  
LOONWERK • GRONDVERZET • VERREIKERS

  
**Chriske  
Margraten**  
*De smaak van  
het Heuweland*

  
**PLUS Kleijnen**  
geeft meer

**Openingstijden**

**PLUS Kleijnen Margraten**

Ma. t/m do. 09:00 - 22:00 uur

Fr. 09:00 - 18:00 uur

za. 10:00 - 18:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

**Openingstijden**

**PLUS Kleijnen Oudaren**

Ma. t/m do. 09:00 - 22:00 uur

Fr. 09:00 - 18:00 uur

za. 10:00 - 18:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

zondag 11:00 - 17:00 uur

  
**PLUS  
Quaedvlieg**  
Orionplein 1 // Brunsum

  
gemeente  
eijsden-margraten

  
Gemeente Maastricht

  
GEMEENTE  
Gulpen-Wittem

# Vrunj van ut LVK



**MEDIAKRACHT**  
STRATEGIE / ONTWERP / ONLINE



**Besjtuur Stichting LVK**

## **Ut besjtuur besjteit oet (vlnr):**

Erik Brouns, Zjwame  
Jan Volleberg, Mestreech  
Elise van Wordragen, Helje  
Joep Verbugt, Helje  
Brigitte van Eck, Wieërt  
John Habets, Broensem  
Jos Cremers, Gelaen  
Ron Aspers, De Ruiver

Neet oppe foto:  
Stan Spauwen, Éesjde



# Hoofsponsors Finale LVK



verzekeringen  
advies  
makelaardij



ramen deuren serres zonwering



new energy systems